

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Meditationum evangelicarum pars tertia, hoc est:
Tractatio evangeliorum tam dominicalium, quam
festivalium, ad recte se sub variis tentationum generibus
gerendum, disposita**

Creide, Hartmann

Francofurti ad Moenum, 1682

Exegesis

[urn:nbn:de:bsz:31-126133](#)

& morti te permittas, & tamen propriâ virtute ex mortuis resurgas: Domicus & Deus meus eris, tibi confidam, quoad vixero.

Nos Instituti nostri memores videbimus

I. Triplicem Querelam.

II. Triplicem Medelam.

III. Triplicem Causatam.

J.J.

Exegetis.

Cum Core, Dathan & Abiron adver-
sus Mosen & Aaron seditionem mo-
ventes, propreterā à terra vivi absorpti es-
sent: Eleasar filius Aaronis, iussu Dei thu-
ribula eorum tollebat, in laminas ea pro-
ducebat, affigens altari, ut commoneren-
tur filii Israhel, ne in posterum simile quid
auderent, Num. 16. v. 38.

Ita in Ecclesia anniversariè prædicatur
de incredulitate Thomæ, ut securitatem
fugiamus, quaē prona via est, ad increduli-
tatem & damnationem. Hinc reſtē
Bernhardus: Plus nobis prodest Thomæ
dubitatio, quam aliorum fides. Quando
enim percipimus, quod tantus Apostolus
ad eo lapsus est, facile cogitare nos possumus:
Si id factum in ligno viridi, quid fieri
in arido? Luc. 23. v. 32.

Querela respicit

I. Congregationis neglectum, de quo Evan-
gelista: Thomas autem unus ex duode-
cim, non erat cum eis, quando venit Jesus.
Quod si cum illis fuisset, & concionis Chri-
sti interfuisset, de resurrectione Christi
quoque tantum didicisset, quantum reli-
qui Apostoli, nec adeò profunde credu-

litati immersus fuisset. Fides enim ex au-
ditu est; quomodo autem audient sine
prædicante? Rom. 10. v. 15. 17.

Nos periculo ejus cautius mercari disca-
mus, non deferentes collectionem no-
stram, Hebr. 10. v. 25. sed alloquentes nos
mutuo dicamus: Venite, & ascendamus
ad montem Domini, Esa. 2. v. 3. ibi enim
audimus verbum, dulcius super mel & fa-
vum, & desiderabilius super aurum, & su-
per aurum obtrizum, Psal. 19. v. 11. ver-
bum, quod potest salvare animas no-
stras, Jacob. 1. v. 21. & facientium illud
laudatio manet in seculum seculi, Psal. 111.
v. ult.

Sed hodiē patrum id observatur, plu-
rimi terrenis dediti sunt, cum Poeta di-
centes:

O cives cives, quærenda pecunia pri-
mum,

Virtus pōst nummos!

Contrā quām Servator mandat: Quærere
primū Regnum Dei, & justitiam ejus,
Matth. 6. v. 33. ideoque non mirum est,
Deum maledictione immissa omnia dis-
pēdere, juxta illud: Seminasti multum,
& intulisti parum, Hag. 1. v. 5. 6.

Qui verò animæ curam habens, in æde
Domini sedulò comparebit, benedictio-
nem reportabit, juxta illud, Exod. 20.
v. 24.

II. Rationis indultum, quem in Thomâ
conspicimus, qui propterā visioni & ta-
gū intēdit, fidem inde hausturus, quod
tamen proprietati fidei ē diametro repu-
gnat, quæ sperandarum substantia rerum,
argumentum non apparentium, Hebr.
11. v. 1.

O quot fratres hic Thomas reliquit,
qui

qui nihil credere volunt, quam quod oculis suis vident, & manibus palpant!

Unde est, quod Judæi, Turci, Atiani & Photiniani Mysterium SS. Trinitatis negant? Ratio eos excusat, dum idem in dubium id vocant, quia ratione comprehendere nequeunt.

Unde est, quod Anabaptistæ virtutem Baptismi infringunt, pertinentes: qui manus aquâ plena peccata abluere potest? Unde est, quod multi præsentiam corporis & sanguinis Christi in sacrâ cena, & ore accipi negant? Quia rationi nimium inhincant.

Aliter se gessit Abraham, quando mandatum à Deo accepit, ut unicum suum filium in monte Moriâ in holocaustum offerret, Gen. 22. v. 2. quod si ille hîc cum ratione deliberare voluisset, facile exceptiōnem comminisci potuisset. 1. Mandatum hoc repugnabat ~~soppy~~ parentum, quæ non concedit, ut pater filium suum mactet. 2. contrâ expressum Dei verbum est: Qui-cunque effuderit humanum sanguinem, sanguis illius effundetur per hominem, Gen. 9. v. 6. 3. contrâ expressam promissionem, quod in semine ejus benedicenda sint omnes gentes, quam ipsi Deus repetitò fecerat? 4. Sacrificare quandoque idem est, ac Deo se consecrare, eidem se devovere, vide Rom. 12. v. 1. quia itaque tûm rationi, tûm Dei mandato repugnabat, ut Abraham filium suum mactaret, excipere potuisset, hanc Deimentem esse, ut exstru-~~to~~ Altari in monte Moriâ, filium suum Deo consecraret, quod is sacrificando & similibus actionibus Deo vacaret.

Verum omnes hâs rationis affectiones Abraham seponit, & unicè literæ mandati

divini inharet. Id Deo aded probatum est, ut promissionem deseminæ benedictio ipsi renovaverit, & fidem ejus vivum exemplum, & Judæis, & gentilibus propounderit, Rom. 4. v. 17. Nos vestigiis ejus insistentes, si quid Deus in verbo suo promittit, nullatenus de eventu dubitemus, sed demus gloriam Deo, cum Maria matre Domini dicentes: Ecce, ancilla Domini, Luc. 1. v. 38.

Sanè si ratio in divinis prævaleat, causa & principium variatum hæreson hoc est. Properea B. Lutherus rationem comparat eum asinâ, Theologos verò cum Christo, qui asinæ infedit, & verba hæc memoratu digna profert: Imponenda non est asina Christo; sed Christus asinæ. Christus loquatur, ratio taceat. Christus præcipiat, ratio jussa exequatur.

Quæ miracula in naturâ sunt, quæ tamen cum ratione minime concordant? Et tamen quia ex experientiâ certa, credenda sunt, licet omnium rationi id aduersetur.

Aquæ proprietas est, ut fluat. Verum ubi Deus Israëlitas per mare rubrum, & postea per Jordanem ducebatur, aqua quasi murus à dextra & lava eorum stetit, ut per medium siccii mari transirent, Exod. 14. v. 22. Jos. 3. v. 16.

Sol & Luna hâc naturâ prædicti sunt, ut certum eumque celerem cursum absolvant: sed Josua adversus Amoritas pugnante, consistebant, Jos. 10. v. 12. 13. & una dies facta est, quasi duo, Sir. 46. v. 5.

Ignis natura est, ut omnia, quæ corripit consumat & in cinerem redigat. Sed cum Sadrach, Mesach & Abednego in for-

yyy nacem

nacem ardentem conjectentur, viscom-
burendi à Deo intercipiebatur, ut ne ca-
pillus capitis aduceretur, Dan. 3. v. 21.

Ferrum ex natura sua fundum petit:
Verum ad verbum Domini per os Eli-
xai egrediens aquæ innatavit, 2. Reg. 6.
v. 5.

Videte Dilecti, ita Deus naturæ alliga-
tus non est; sed omnia, quæcunque vult,
facit in cœlo & in terrâ, in mari & in omni-
bus abyssis, Psal. 115. v. 7. Quodsi igitur
naturæ credimus in eo, quod naturale est:
quidni potius Deo crederemus in eo, quod
divinum est? Omnis enim creatura, ad
suum genus denuò refiguratur, deserviens
eius præceptis, Sap. 19. v. 6.

III. *Incredulitas abyssum*, in quam
Thomas incidit. Non enim credit Deo
Patri, qui ab æterno decreverat, ne videret
Sanctus suus corruptionem, Psal. 16. v. 10.
sed si biberit de torrente in viâ, exaltaret
caput, Psal. 10. v. ult. Non credit Deo Fi-
lio, qui toties passionem, mortem & resur-
rectionem suam inculcaverat, Luc. 18.
v. 32. Non credit Deo Spiritui sancto,
qui per Prophetas id saepius prædixerat.
Non credit Angelis, qui mulierculis ad
Sepulchrum apparuerant, dicentes: Surre-
xit, non est hic. Non credit tot testibus
fide dignis utriusque sexus, qui oculis
ip'um confexerant, & manibus contreb-
erant: sed in hac sua obstinatione per-
severat universum ostiduum.

Horrendus hic lapsus est, præsertim in
eiusmodi Apostolo, qui ipsius Christi
scholam frequentarat, nec modò verba
vite ex ore ejus audierat, sed & signa
& miracula ejus viderat, in specie exem-
plum Lazari, quem ex mortuis resuscita-

verat, licet quadridianus esset, & frater
inciperet, Joh. 11. v. 39.

Hoc exemplum exciter nos, ut videa-
mus, quomodo cautè ambulemus, non
quasi insipientes, sed ut sapientes, Ephes. 5.
v. 15. Qui stat, videat, ne cadat, 1. Cor.
10. v. 12.

In specie incredulitas Thomæ nobis se-
dulò cavenda est, quæ fons & scaturigo
est, ex quo cætera peccata omnia derivan-
tur.

Unde est, quod execrations, maledi-
ctiones & blasphemiae adeò invaluerunt?
Inde est, quia non creditur secundo præ-
cepto, in quo Deus, se non insontem ha-
biturum, qui assumserit nomen Domini
Dei sui frustra, minitatur, Exod. 20.
v. 7.

Unde est, quod Sabbathum tām fœde-
prophanatur, & verbum Dei contemni-
tur? Inde, quia non fides habetur Deo,
mandanti; Memento diei Sabbathi, ut
sanctifices eum.

Unde est, quod scortatio & adulterium
tām familiaria sunt, & à plurimis pro-
ludo saltem habentur? Quia non credi-
tur Deo dicenti: Non moechaberis: &
Spiritui sancto minitanti: Scortatores &
adulteros judicabit Dominus, Hebr.
13. v. 4.

Id quod de singulis peccatis intelligen-
dum, quæ omnia ex incredulitate, tan-
quam radice malâ propullulant. Videte
proinde fratres, ne fortè sit in aliquo ve-
strum cor malum incredulitatis, disce-
ndendi à Deo vivo, Hebr. 3. v. 12. seqq.

Peccatum ex seipso non damnat, alias
nemo mortalium salvaretur: Omnes
enim peccaverunt, & egent gloria Dei,
Rom.

Rom. 3. v. 23. si verò in peccatis perseveres, Christum expiatorem peccatorum tuorum rejicias, & sanctissimum ejus meritum conculces, Hebr. 10. v. 29. id actu damnationem infert, teste Christo, Johan. 3. v. 18.

Cain, primus ille parricida, facile gratiā consequi potuisset, sed obstitit incredulitas & ex illa proveniens desperatio, Gen. 4. v. 13. Sic nullum peccatum majus est incredulitate. Quando enim Deus dicit in verbis suo: Delevi, ut nubem iniqüitates tuas, & quasi nebulam peccata tua, Esa. 44. v. 22. id impius credere recusat, & hoc ipso mendacem facit Deum, 1. Joh. 5. v. 10. O quām grave ipsi erit aduersus stimulum calcitrare! Act. 9. v. 5.

Quia igitur omnes natura faciles sumus ad seducendum, debiles ad operandum, & fragiles ad resistendum, opus erit, ut cum Apostolis sedulò oremus: Domine, credo quidem, sed tu succurre incredulitati meæ, Marc. 9. v. 24. sic Dominus calamus quassatum non confringet, Esa. 42. v. 3. Phil. 1. v. 6.

De Secundo.

Sequitur Medela, quæ fluit
I. Ex Christi reversione. Nam post dies octo iterum erant discipuli ejus intus, & Thomas cum eis: Venit IESUS januis clausis & stetit in medio, & dixit eis: Pax vobis. Hoc consolatione plenum est. Sic enim probavit Dominus, se bonum illum pastorem esse, qui reliquerit nonaginta novem oves in deserto, & vaderit ad illam inquirendam, quæ perierat, Luc. 15. v. 3. 4. Venit enim

1. Spontè, sicut adhuc hodiè omnibus peccatoribus gratiam suam præveniendo largitur. Non enim sufficiētes sumus, aliquid ex nobis cogitare, 2. Cor. 3. v. 5. Sed Dominus est, qui operatur in nobis & velle & perficere, Phil. 2. v. 13. oremus ergò ex Jer. 31. v. 18.

2. Oportunè. Licet enim integrum octoduum apparitionem hanc siam differat, & Thomam in incredulitate sua relinquit, attamen in tempore advenit, & interea eundem in fide confirmat, ne planè desperet in peccatis.

Inseriat nostræ consolacioni, ut, si hodie tenus Christus quandoque se abscondit, & opem suam differt, ne desperemus: veniens enim veniet, & non tardabit, Habuc. 2. v. 3.

3. Miraculoſe. Venit enim januis clausis. Hic clarè perspicimus, nihil ipsum prohibere, quod minus juvare possit. Ipse enim tanquam Dominus naturæ, non subiectit se legibus naturæ: sed præ multitudine fortitudinis & roboris, virtutisque ejus, neque unum deficit, Esa. 40. v. 26.

Hoc gaudium in nobis exsusciter, quando & ipsi nonnunquam propter peccata nostra abscondere nos cogimur, JESUS noster non relinquet nos orphanos, Johan. 14. vers. 18. sed ubique pertrumpet, & auxilium suum praestabit nobis, ut in Jona in alvo cete delitescente, Jon. 2. vers. 11. in tribus viris in ardente fornace, Daniel. 3. v. 32. in Daniele in lacu leonum, Daniel. 6. vers. 22. In Petro in carcere, Actor. 12. v. 7. aliisque luculenta exempla habemus,

yyy 2 quos